

طبيب القلوب - الشيخ احمد جلال (1102-21-41)

أحمد جلال

اعوذ بالله من الشيطان الرجيم. بسم الله الرحمن الرحيم. الحمد لله رب العالمين والصلوة والسلام على اشرف المرسلين سيدنا محمد وعلى الله وصحابه ومن تبعهم باحسان الى يوم الدين اما بعد اه الدرس النهاردة بيعتبر بالنسبة لي انا - 00:00:00 هو اهم ركيزة لي في حياتي. والمفترض ان هي تكون اهم ركيزة في حياتكم كلکم وهي الركيزة الاساسية اللي بدأ بها كل الانبياء والمرسلين. وهي دي اهم ركيزة بنعالج بها قلوبنا - 00:00:20

احنا الدرس اللي فات اتكلمنا على جزئية من يوقف النزيف. مين اللي يوقف نزيف القلوب؟ النهاردة احنا هنقول مين اللي هيداوي القلوب اتكلمنا الاسبوع الماضي في مسألة النزيف وان فعلا احنا من وقت لآخر عمالين نطعن في قلوبنا وقلوبنا شغالة في نزيف دائم ومستمر - 00:00:40

والانسان مننا لو اصيب بمرض في بدنـه بيروح من دكتور لميت الف دكتور لحد ما يجد العلاج والحل ويصرف من الف لميت الف والمليون علشان يجد العلاج ده. ولو النهاردة ما عهوش امكانية للعلاج بيلف على الدنيا كلها - 00:01:00 يعني انا احكي لكم موقف يسيراً في اخت من الاخوات جت هنا المسجد ابنها ربنا يعافيكم مصاب بمرض خطير جداً. ومحاجة عملية كبيرة جداً، عينك هتكلف حوالي تقريراً من مية وعشرين لمية وستين الف جنيه. وآآآ - 00:01:20

خدت ورقها وبدأت ان انا اجمع لها فلوس وكده. فقلت لها معلش روحي لمؤسسة رسالة ممكـن تساعد معنا. روحي لمؤسسة مسلا العدل والاحسان ممكـن تساعد روحي لجمعية كزا وروحي لجمعية كزا فافاجأ اقول لها روحي مسلا العدل والاحسان تقول لي رحت. وروحي جمعية رسالة تقول لي رحت روحي مش عارف مؤسسة ايه تقول لي رح - 00:01:40

طب رحت مسجد كزا تقول لي رحت طب رحت مسجد كزا تقول لي رحت. كل اما اطرح عليها فكرة الاقيـها عمالة تقول لي انا رحت انا رحت. ده كله - 00:02:00

ده كله نابع ان من جواها فكرة وعقيدة ان هي لازم تتحرك ان الولد لازم يعمل عملية وعشان يعمل عملية لازم تجمع الفلوس ولو هتـلف على المساجد مسجد مسجد وتـلف على رجال الاعمال واحد واحد شركة حتى الودود لازم تعمل اي حاجة علشان ابنها في النهاية آآآ ربنا سبحانه وتعالى يشفـيه لها - 00:02:10

هي دي طبيعتنا دايماً لما بنيجـي نتعامل مع اي مرض متعلق بالبدنـ. ولو جيت بصـيت لكل خـلـيك اطلع من اي مسـجـد واحد واقـف قدـام المسـجـد معـه روـشـة وـمعـه حـاجـات ادوـية وـحـاجـات منـ كـدهـ. ايـاـ كانـ صـادـقـ ولاـ كـاذـبـ. وتـلاقـيـهـ بـيـطـلـعـ منـ المسـجـدـ دـهـ علىـ المسـجـدـ دـهـ. لاـ 00:02:30

روح عند اي مستشفـىـ. وـشـوفـ الـوضـعـ هـنـاكـ اـزاـيـ. شـفـ نقطـةـ بـسيـطـةـ جداـ حاجـةـ بـسيـطـةـ جداـ. يعني اـحـناـ عنـدـنـاـ فيـ الجـمـعـيـةـ لـماـ عـمـلـنـاـ مـسـأـلةـ بـنـكـ الدـمـ عـلـشـانـ نـوـفـرـ عـلـىـ النـاسـ الليـ بـيـقـيـ مـحـتـاجـ كـيسـ دـمـ وـبـيـرـوحـ لـبـنـكـ الدـمـ يـقـولـ لهـ اـنـاـ عـاـيـزـ عـاـيـزـ مـيـةـ وـخـمـسـيـنـ جـنـيـهـ اوـ مـيـةـ وـعـشـرـيـنـ جـنـيـهـ. تـشـوفـ الـانـسـانـ دـهـ اـفـتـكـرـ - 00:02:50

موقف كده عـشـانـ اـخـشـ فيـ صـلـبـ مـوـضـوـعـيـ اـنـتـ عـارـفـينـ انـ المـنـصـورـ هـنـاـ المـسـتـشـفـيـاتـ بـتـاعـتـهاـ آآـ ماـ شـاءـ اللـهـ مـسـمـعـةـ فيـ العـالـمـ العربيـ كـلـهـ. كـنـتـ اـتـقـابـلـتـ عـنـدـ مـسـتـشـفـيـاتـ رـجـلـ يـمـنيـ. جـايـ هـنـاـ فيـ مـسـتـشـفـيـ الطـوارـيـ وـالـراـجـلـ دـهـ كـانـ بـيـبـحـسـ لـابـنهـ عـلـىـ فـصـيـلـةـ دـمـ اـيـهـ مـوـجـبـ. اـنـاـ كـانـتـ فـصـيـلـتـيـ اـيـهـ مـوـجـبـ - 00:03:10

وـكانـ مـحـتـاجـ حـوـالـيـ عـشـرـ تـكـيـاسـ. لـوـ تـشـوفـهـ قـدـرـ مـعـانـاهـ هـذـاـ الرـجـلـ عـلـشـانـ يـحـصـلـ كـيسـ دـمـ يـجـريـ يـمـينـ وـيـجـريـ شـمـالـ وـيـتـحـركـ فوقـ

وتحت علشان يصل اللي هو عايز علاج لمسألة مرض بدن. ارجع افڪركم واقول لكم ان مهما كان هذا المرض هيوصل
للانسان - 00:03:30

في نهاية الامر لايهم انه يموت مثلا. ولو مات وهو عند الله سبحانه وتعالى شهيد نحسبه كذلك ونذكر على الله احد. انما مسألة قلبك
لما يكون فيه دائم مستمر بسبب ذنبي ومعصية بسبب تقصيرني مع ربناانا ما بتلتفتش. ودرس اللي فات كان حوالين النقطة دي. ودي
اخطر - 00:03:50

مسألة ممكن تكون حياة دي ركيزة من ركائز حياتك. انك ما ينفعش تهمل قلبك بهذه الصورة. انك تبقى عارف ان قلبك فيه نزيف دائم
ومستمر بسبب ذنبي ومعاصيك او بسبب تقصيرك في الطاعة وتبقى كده عايش كده وخلاص. وقلت لك ان لو كان ده حالك يبقى
دي عقوبة من عند الله سبحانه وتعالى - 00:04:10

عقوبة من عند الله سبحانه وتعالى انك تضرب بعقوبة على قلبك والعقوبة الاشد انك مش ملتقت اصلا. واحد بالك زي بالزيط كده
واحد ابنه تعان لا بيوديه مستشفى ولا بيجيبي له علاج ولا بييجيب له دكتور هو بيعمل كده ليه؟ عقوبة لابنه - 00:04:30
بس انتهت. اعظم شيء انك الانسان يتلى بمرض في قلبك. والعقوبة الاعظم من مرض انه ما يبقاش ملتقت اصلا للمرض. هو ده الخطر
بقى. علشان كده انا باقول ازا كان فيه ركيزة عندنا في حياتنا انك لازم توقف - 00:04:50

اللي دايما داير في قلبك لازم تكون عندك ركيزة تانية انك تكون على يقين ان اي انسان مننا عايز علاج لقلبه لازم يروح للطبيب.
وطبيب القلوب هو الله. وطبيب القلوب هو الله - 00:05:10

الله ماذا يمثل لك في حياتك؟ هل انت لو وقعت في مشكلة اول حاجة بتقول يا رب لو قاعد مهموم شوية اول حاجة تعملها تقول يا
رب لو ربنا اكرمك بنعمة اول حاجة بتعلملها بتقول يا رب - 00:05:30

لو عايش حياتك اول حاجة بتقول يا رب ربنا يمثل لك ايه في حياتك. لازم تعرف ان ربنا سبحانه وتعالى ما انزل من داء الا وجعل له
دواء كما قال النبي صلى الله عليه وسلم الا الهرم بس الا مرض ان الانسان يبقى كبير في السن العجز. اللي احنا بنسميه الشيخوخة.
هو ده المرض الوحيد اللي ما لهوش علاج - 00:05:50

اي مرض اخر سهل جدا انه يعالج. ولكن انك تروح للطبيب المتخصص. كنا من قيمةكم يوم كنا مع فقيرة كده بنوديها لدكتور هي
رجلها تعابة. فالطبيعي ان احنا ودينها لدكتور عظام. فدكتور العظام ادى لها دواء - 00:06:10

الحالة ما ارتاحتش عليه. ونفاجأ بعد ذلك ان احنا رحنا للطبيب الغلط. الحالة عندها ورم في رجليها وكانت محتاجة ان هي تروح
لدكتور اورام. ودكتور دكتور جراحة. رحنا للطبيب الغلط. احنا مشكلتنا دايما يا حبابي لما نيجي بنروح لطبيب ممكن بنروح
للتشخيص غلط. مع انك سبحان الله اتسألت مرة - 00:06:30

اتنين وتلاتة. انا حاسس بکذا وكذا. اروح لدكتور ايه؟ يقول لك رح لدكتور باطننة. طب اروح لمين؟ يقول لك رح لفلان الفلاني. ده
احسن واحد في الجهاز ده. او في المنطقة دي او في التخصص - 00:06:50

قلبك نفس الكلام. قلبك من وقت الاخر بيبقى يحتاج له طبيب. يحتاج لحد يربط لك قلبك ده. وخير من يداوي القلوب هو الله بس
ربنا سبحانه وتعالى آآ من السهل اليسيير جدا انه يعالج لك قلبك يداوي لك قلبك - 00:07:00

هو طبيب. ما تقوليش ما تقوليش ربنا طبيب. اقول لك لأ النبي قال الله هو الطبيب. فيصبح ان انا اقول على ربنا طبيب. وهو اللي
هيداويينا ويكون عندك يقين انك اذا اصبت بمرض في قلبك ان اللي هيشفيك هو ربنا. قال الله واذا مرضت فهو يشفين - 00:07:20
ازاي؟ حاجة واحدة بس. ان تخلي دايما قلبك ده موصول بالله سبحانه وتعالى. تخلي قلبك ده موصول بالله سبحانه وتعالى. برضه
ازاي؟ هديك مثل من حياتك انت وبعد كده تعال نخش على المثل بتاعنا - 00:07:40

شاب في في ماجستير او شاب في ليسانس او بكالوريوس اخر سنة يعني وآآ في ايام امتحانات يومه بيبقى ماشي ازاي؟ الصبح
بيطلع جري على الكلية ليه؟ علشان يشوف المناهج الدكتور هي Shirley ايه وهيلغي ايه؟ هيدي اسئلة ولا مش - 00:08:00
يدي اسئلة. ادي واحدة. بعد الجامعة بيطبع جري على السناتر ياخذ الدروس. بعد ما يخلص بيطبع جري على المكتبات علشان ياخذ

المذكرات بعد اليوم الطويل الشاق ده يطلع جري على البيت علشان يبدأ يذاكر. ولو فيه وقت خمس دقائق عشر دقائق يأكل يشرب فيهم هو بياكل ومعاه المذكرة - 00:08:20

كده اذا في وقت الامتحان لما كان عايز ينجح خلى اليوم كله من اوله لآخره متعلق بالشيء ده. انت انت كده لما يكون قلبك تعban انت قلبك هيبقى موصول بالله على مدار يومك ولا ؟ هي دي النقطة. هي دي النقطة اللي ربنا سبحانه وتعالى دائمًا بيقول لك دي ركيزة حياتك. ان كل - 00:08:40

موقف من مواقف حياتك لازم يكون ربنا معك. لازم يكون قلبك قريب من ربنا سبحانه وتعالى. بمعنى اخر وهو ده عنوان الدرس قلب موصول بالله ان لازم قلبك يبقى مصيبة لكل لحظة بتمر عليك. انت بتكلم ربنا وتحس ان هو بيئاجيك. لازم تحس بالمعنى ده. انك لو قاعد مع - 00:09:00

ربك بتناجي ربنا. انك ماشي في الشارع انت بتناجي ربنا. قبل ما تيجي تمام انت بتناجي ربنا بتاكل انت بتناجي ربنا واقع في مشكلة انت بتناجي ربنا واقع في كرب انت بتناجي ربنا. آ قاعد مع اصحابك انت برضه بتناجي ربنا. قاعد لوحدك انت بتناجي ربنا - 00:09:20

ده الموقف اللي دائمًا ربنا سبحانه وتعالى بيؤكده عليه دائمًا في القرآن. خل دائمًا قلبك موصول بالله ايا كان الموقف اللي انت اتحططيت فيه خلي دائمًا قلبك موصول بالله سبحانه وتعالى. هو ده سبيل السعادة. هو ده الطريق الحقيقي لعلاج قلبك. ان دائمًا قلبك - 00:09:40

تبقي مع الله بس وده مش صعب ولا عسير. بل ده يعتبر في بعض الاوقات واجب من واجباتها عليك. انك دائمًا تستشعر ان ربنا معك مهما يعني اخواننا في حزب النور من قيمة كم يوم بيكلموني من احد المحافظات بيقولوا احنا مش قادرین الاعلام عمال يشوك فيينا. ويقول علينا كذا وكذا - 00:10:00

ويقولوا علينا كذا وحملات شرسه زي ما انت شاييفين. قلت لهم يعني وانتم شاييفين الحل ايه ؟ قالوا احنا هنعمل ونسوي قلت لهم وطنيين. قبل ما تلجم تويتر وتلجم الفيس بوك وتلجم الواقع النت وتلجم للاعلام وتلجم للقنوات تلجم لي علشان اتكلم وادافع عنك في البرامج وعلى القنوات والتليفزيون والكلام ده - 00:10:20

انت كان اول حاجة المفروض تعملها ان قلبك يبقى موصول بالله تقول يا رب. قبل ما تلجم لي وتلجم للأسباب دي كلها ان قلبك يكون موصول بالله ساعة ما تقع في مشكلة - 00:10:40

عليك وتقول يا رب انك لما تحس بالفعل ان قلبك تعban ترفع ايديك وتقول يا رب. قبل ما تروح لاي حد قبل ما تروح للشيخ يتكلمه. قبل ما تروح لواحد صاحبك تكلمه - 00:10:50

ارفع ايديك وقل يا رب. ربنا سبحانه وتعالى اداك الموقف ده في القرآن في العديد من المواطن. يعني الصحابة رضوان الله عليهم بعد غزوة احد. بعد غزوة احد الصحابة اتمرمطوا في المعركة. سبعين واحد منهم قتيل. وسبعين واحد منهم جريح. والنبي صلى الله عليه وسلم اصيب واتبهدل اخر بهدلة في هذه المعركة - 00:11:00

بعد كده الحمل النفسي الشديد. يعني انا انا عندي افضل اضرب في تلات سنين ضرب بس ما تحملنيش ضغط نفسي انا ما اتحملوش ما تحملنيش ان انا اكون عايش في ضغط نفسي لمدة ساعة. الصحابي مع البلاءات الشديدة اللي كانت موجودة في قلب غزوة احد البلاءات البدنية. انما - 00:11:20

هم عندهم بلاءات نفسية اشد عليهم من كده بكتير. انت تظن ان سهل على واحد منهم ان يشوف النبي بهذا الحال ويقول انا كنت السبب في حاجة زي كده الضغط النفسي كان عليهم شديد جدا جدا فوق ما يتخيل اي انسان هو مضغوط نفسيا. انت قطعني في ارض المعركة بس ما تحملنيش ضغط نفسي - 00:11:40

فهم الصحابة في اليوم ده اتحملوا الامررين. الضغط النفسي الشديد او الضغط البدني الشديد او. وبعد كده بعد ما ربنا رد كيد الكافرین خلاص ومشوا ورجعوا يجي لي المسلمين اخبار ده ابو سفيان ومن معه بعادوا الكرة وهيرجع لكم ويخش المرة دي جوة

وده الضغط النفسي بقى اللي انا ما اتحملهوش. في ظل الظروف دي كلها. في ظل الظروف دي كلها الصحابة قبل ما يروحوا للنبي ربنا قال لك هم عملوا ايه؟ عملوا ايه؟ ربنا سبحانه وتعالى يقول الدين قال لهم الناس - 00:12:20
ان الناس قد جمعوا لكم فاخشوهם. كانت النتيجة فزادهم ايمانا وقالوا حسبنا الله بس. حسبنا الله ونعم الوكيل تعالى اه انت ممكن تقول حسيبي الله ونعم الوكيل. بس انت مش عارف اصلا يعني ايه حسيبي الله ونعم الوكيل. لانك ما اتعلمنتش من زمان انك ازاي تعيش مع الله - 00:12:40

سبحانه وتعالى. ازاي يبقى قلبك موصول بالله؟ ده اقل درجة من درجات ان قلبك يكون موصول بالله انك تكون عارف ربنا باسمائه وصفاته. يعني انا هسألكم سؤال مين فيكم يعرف يعني اسم من اسماء الله الحسيب. يعني ايه الحسيب؟ حد يعرف - 00:13:00
هي دي ازمنتنا مع ربنا. هي دي ازمنتنا مع ربنا. ان احنا مش عارفينه اصلا. بتقع في مشكلة تقول حسيبي الله ونعم انت مش عارف اصلا يعني ايه ربنا حسيب؟ الحسيب هو الكافي. الحسيب الحسيب هو الذي يرد عنك المكروره. يرد - 00:13:20
الشر يرد عنك الضرر. علشان كده انت مقرنون دايما في كل موطن شدة انك تقول حسيبي الله ونعم الوكيل الصحابة في عز الازمة دي لانهم اتربيوا من البداية على كلمة حسيبي الله ونعم الوكيل. اطلبوا من البداية ان قلوبهم تكون موصولة بالله - 00:13:40
اول ما حصلت المشكلة قبل ما يلجأوا للنبي لجأوا الى الله. قالوا حسبنا الله ونعم الوكيل. كانت النتيجة فانقلبوا بنعمة من الله وفضل لم يمسسهم سوء خلصت. خلصت ليه؟ لانه فاهم ازاي يعني ايه معنى كلمة قلب - 00:14:00
موصول بالله ان في كل ازمة هو واقع فيها لسانه ما بيبطلش ذكر الله. ان هو يا جماعة ده انسان قلبه موصول بالله هو اما بيجي يذكر ربنا مش حاسس ان قلبه جوة صدره لأ ده حاسس ان قلبه تحت عرش ربنا. ادي موقف. سيدنا موسى عليه الصلاة والسلام هي - 00:14:20

بحق القلوب اللي وصلت بالله. سيدنا موسى عليه الصلاة والسلام لما خرج هو والسحررة في الوقت ده كان فرعون وراهم والبحر قدامهم. ساعتها القلوب اللي لستة داخلة في الاسلام جديد او التزام جديد. القلوب اللي ما اتربيتش يعني ايه انا اكون موصول بالله؟ هي - 00:14:40
الشدة خلاص انا ضعفت. مش هو ده اللي قالوه؟ لانهم قلوبهم لم تكن ابدا موصولة بالله. وقالوا اصحابه قال اصحاب موسى انا لمدركون. موسى يقول لهم لا المسألة مش كده. المسألة ما تقولش ان المدركون ولكن المسألة تقول ان في رب انا لي رب لي الله. لي رازق - 00:15:00

لي خالق لي مدبر لامرني في واحد بيدير لي امري. انا ساعة ما هقع في المشكلة انا هرجع له. قال اصحاب موسى انا لمدركون. قال كل انا معي ربى سيهدين. انك تستشعر المعنى ده. ان معي ربى سيهدين. وانت في الجامعة. ان معي ربى سيهدين. وانت ماشي في الشارع - 00:15:20

ان معي ربى سيهدين فعلك ان معي ربى سيهدين. هو ده المعنى اللي لازم تعيش به. انك لازم تعرف يقينا انك قلب بدون صلة بالله ما يساويش قلبي هيفضل طول حياته مريض. سحره فرعون قبل الموقف ده. وده نموذج لواحد قلبه اتربي على انه يكون موصول بالله - 00:15:40

وان كانت فترة التربية كانت قليلة جدا. ساعتها لما بيخير بين ربنا وبين اي شيء اخر لا قولا واحدا المسألة منتهية. انا مع ربنا سبحانه وده دايما اللي انا باقول لك عليه انت كل يوم بتتحط في اختيار. اختيار بيكون بالنسبة لك صعب جدا. هل يا ترى انت ساعة الاختيار - 00:16:00

ربنا عندك رقم واحد يبقى الصورة الاولى اللي انا عايز ااكد عليها انك في موطن بلاعك رح لربنا سبحانه وتعالى. قلبك يبقى موصول تلجا الى الله تلجا اليه باسمه الحسيب. تلجا اليه باسمه الكافي. تلجا اليه سبحانه وتعالى باسمه الرحيم انه يرفع عنك هذا الامر. دي الصورة الاولانية - 00:16:20

الصورة الثانية انك كل يوم بتحتظر في اختيارات. اختيارات ممکن تكون صعبة عليك جدا. شاقة عليك جدا. فعلاً اختيارات انت تكون فيها مش قادر تختار ساعتها صدقني لو قلبك كان موصول بالله بيبقى سهل عليك جدا انك تختار. بيبقى سهل جدا انك تختار -

00:16:40

ودي دائماً مسألة آآآ مسألة او اللي بتفضل الانسان اللي له قلب موصول بالله سبحانه وتعالى. انه لما بيتحط في الاختيار وبيذكر ربنا بيبقى سهل عليك انه يختار. انما الانسان دايماً لما بيفكـر في الامور بعقله وقلبه وقلبه مش موصول بالله بيبقى صعب جدا عليه انه يختار. يعني مثلاً شاب النهاردة -

00:17:00

كان بيحب بنت وله علاقة قوية جداً بها سنتين ثلاثة اربعـة خمسـة ستـة سبـعة. جميل؟ وبعد كده عرف ان ده حرام. ده لا يرضي الله ان ده غلط. ربنا لا يرضي على هذا الوضع. وتيجي بعد كده لما خلاص جـت كـده ايـه؟ ومـضـة الـاـيمـان اللي في وقت الـاـوـاقـات تصـيبـانـاـ اـلـاـنسـانـاـ منـاـ. جـت -

00:17:20

وامضـتـاـ اـيـمـانـاـ العـيـلـةـ فـتـرـةـ كـدـهـ بـيـبـقـىـ عـاـيـزـ يـخـتـارـ ياـ رـبـيـ اـنـاـ اـخـتـارـ دـهـ الـلـيـ بـيـفـكـرـ دـايـماـ بـعـقـلـهـ وـقـلـبـهـ ماـ بـيـوـصـلـشـ ولكنـ الـلـيـ بـيـفـكـرـ دـايـماـ بـقـرـبـ ربـناـ لـهـ بـيـبـقـىـ سـهـلـ عـلـيـهـ جـداـ الـاـخـتـيـارـ. سـحـرـةـ فـرـعـونـ كـانـواـ جـايـنـ طـالـبـيـنـ حاجـتـيـنـ. ايـ اـنـسـانـ منـاـ بـيـبـقـىـ

00:17:40

قالـ اللـهـ سـبـحـانـهـ وـتـعـالـىـ فـيـ شـأـنـهـ اـئـنـ لـنـ لـاـجـرـاـ اـنـ كـنـاـ نـحـنـ الغـالـبـيـنـ هـتـدـيـ لـنـاـ فـلـوـسـ وـاظـنـ ايـ اـنـسـانـ منـاـ النـهـارـدـةـ بـيـجـتـهـدـ وـيـهـدـلـ نفسهـ عـشـانـ يـوـصـلـ لـقـرـشـ اوـ مـبـلـغـ مـادـيـ معـيـنـ يـعـيـشـ بـهـ. قالـ نـعـمـ وـانـكـ اذاـ لـمـنـ المـقـرـبـيـنـ. دـهـ اـنـتـ هـتـبـقـواـ الـوـزـرـاءـ وـهـتـبـقـواـ الـحـاشـيـةـ الىـ

00:18:00

غيرـ ذـكـ. اذاـ هـنـاـ الـاـخـطـارـ بـيـقـىـ صـعـبـ جـداـ. لماـ اـنـاـ اـفـكـرـ بـيـخـيرـ بـيـنـهـمـ لـمـ بـفـكـرـ فـيـهاـ بـعـقـلـيـ وـلـكـ المـسـأـلـةـ تـخـلـفـ تـامـاـ وـديـ الصـورـةـ التـانـيـةـ ماـ يـجـعـلـنـاـ اـكـتـرـ اـنـ اـحـنـ اـقـولـ اـحـنـ مـحـتـاجـيـنـ جـداـ اـنـ تـبـقـىـ قـلـوبـنـاـ مـوـصـلـةـ بـالـلـهـ. القـلـبـ المـوـصـلـ بـالـلـهـ -

00:18:20

فيـ الـوقـتـ دـهـ بـيـرـيـحـكـ خـالـصـ. سـحـرـةـ فـرـعـونـ الـاـنـ مـخـيـرـيـنـ بـيـنـ حاجـتـيـنـ. الـاـمـرـ الـاـوـلـ المـالـ وـالـجـاهـ وـالـقـوـةـ وـالـسـلـطـانـ وـالـكـبـرـيـاءـ فـيـ الـاـرـضـ ياـ اـمـاـ اـنـ يـقـتـلـ وـتـقـطـعـ يـدـيـهـ وـرـجـلـيـهـ مـنـ خـالـفـ يـعـنـيـ الـاـيـدـيـمـيـنـ مـعـ الرـجـلـ الشـمـالـ اوـ يـصـلـبـ فـيـ جـذـوـعـ النـخلـ -

00:18:40

وسـاعـتـهاـ فـرـعـونـ فـرـعـونـ بـيـهـدـدـ وـيـتـوـعـدـ وـيـقـولـ وـلـتـعـلـمـ اـيـنـاـ اـشـدـ عـذـابـاـ وـابـقـىـ. هـنـاـ سـبـحـانـ اللـهـ زـيـ ماـ قـلـتـ لـكـ القـلـبـ اللـيـ مـوـصـلـ عـلـىـ طـوـلـ فـوـرـاـ مـاـ بـيـتـرـدـدـشـ. هـمـ قـلـوبـهـمـ اـتـوـصـلـتـ بـالـلـيلـ لـفـتـرـةـ يـسـيـرـةـ جـداـ جـداـ. دـهـ لـسـةـ مـنـ شـوـيـةـ كـانـواـ كـفـارـ. دـلـوقـتـيـ -

00:19:00

لـسـهـ اـسـلـمـواـ مـنـ دـقـاـيقـ لـسـةـ دـلـوقـتـيـ خـرـوـاـ فـانـقـذـ السـحـرـةـ سـجـداـ قـالـوـاـ اـمـنـاـ بـرـبـ هـارـوـنـ وـمـوـسـىـ. لـسـةـ مـنـ شـوـيـةـ بـسـيـطـةـ. وـلـكـ هيـ فيـ الـوـمـضـةـ الـاـيـمـانـ دـيـ الـقـلـبـ اـتـوـاـصـلـ بـسـرـعـةـ بـالـلـهـ. فـلـمـ اـتـوـاـصـلـ بـسـرـعـةـ لـلـهـ بـقـىـ سـهـلـ عـلـيـهـ جـداـ اـنـ يـخـتـارـ. شـابـ النـهـارـدـةـ ماـ شـاءـ اللـهـ قـاعـدـ

عـلـىـ النـتـ هـوـ مـاـ شـاءـ اللـهـ شـغـالـ عـلـىـ حـاجـاتـ اـيـمـانـيـةـ زـيـ -

00:19:20

عـلـىـ حـاجـاتـ كـويـسـةـ جـداـ. ماـ فـيـشـ فـيـهاـ ايـ مـشـكـلـةـ. اوـ حـاجـاتـ تـخـدـمـهـ فـيـ مـجـالـ عـمـلـهـ. وـلـكـ بدـأـ الشـيـطـانـ يـلـقـيـ بـسـ فـكـرـةـ. بدـأـ يـحـركـ جـواـهـ غـرـيـزـةـ بدـأـ يـفـكـرـ بدـأـ مـشـ عـارـفـ ايـهـ. بدـأـ هـنـاـ بدـأـ الـا~نسـانـ مـنـ هـنـاـ بـيـقـىـ فـيـ اـخـتـيـارـ اـخـتـارـ ايـهـ دـيـ وـلـاـ دـيـ؟ـ بـيـقـىـ صـعـبـ عـلـيـهـ جـداـ الـاـخـتـيـارـ. وـلـكـ -

00:19:40

الـقـلـبـ اللـيـ بـيـقـىـ مـوـصـلـ بـالـلـهـ سـبـحـانـهـ وـتـعـالـىـ اـسـهـلـ حـاجـةـ عـنـدـهـ فـيـ الـوقـتـ دـهـ الـاـخـتـيـارـ. عـارـفـيـنـ لـيـهـ؟ـ لـانـ نـورـ اللـهـ تـبارـكـ وـتـعـالـىـ اـذـاـ وـقـعـ فـيـ قـلـبـ اـمـرـيـ مـسـلـمـ اـحـرـقـ كـلـ شـهـوـةـ بـداـخـلـهـ. ماـ تـنـسـاهـشـ. القـلـبـ المـوـصـلـ بـالـلـهـ اللـيـ سـبـحـانـهـ وـتـعـالـىـ يـضـفـيـ عـلـيـهـ -

00:20:00

نـورـاـ مـنـ نـورـكـ. الشـهـوـاتـ دـيـ عـبـارـةـ عـنـ ظـلـمـاتـ. المـعـاصـيـ دـيـ عـبـارـةـ عـنـ ظـلـمـاتـ. فـاـذاـ وـقـعـ نـورـ اللـهـ فـيـ القـلـبـ اـحـرـقـ كـلـ شـيـءـ شـهـوـةـ بـداـخـلـهـ

هـذـاـ القـلـبـ فـوـرـاـ. لـمـ وـقـعـ نـورـ الـا~ي~م~ان~ فـيـ قـلـوبـ السـحـرـةـ حـالـاـ فـوـرـاـ كـانـتـ النـتـيـجـةـ اـنـ بـقـىـ سـهـلـ عـلـيـهـ جـداـ اـنـ يـخـتـارـ -

00:20:20

قـالـوـاـ لـنـ نـؤـثـرـكـ عـلـىـ مـاـ جـاءـنـاـ مـنـ الـبـيـنـاتـ وـالـذـيـ فـطـرـنـاـ. وـالـذـيـ فـطـرـنـاـ هـنـاـ الـوـاـوـ دـيـ وـاـوـ الـقـسـمـ. اـيـهـ الـذـيـ فـطـرـ وـالـلـهـ لـنـ نـؤـثـرـكـ عـلـيـهـ. خـدـ

بـالـكـ لـطـيـفـةـ فـيـ الـلـغـةـ الـعـرـبـيـةـ. الـلـغـةـ الـعـرـبـيـةـ يـاـ رـامـيـ انـ المـفـرـوضـ اـنـ الـقـسـمـ اـدـاـ -

00:20:40

قـسـمـ الـقـسـمـ نـفـسـهـ وـبـعـدـ كـدـهـ الـمـقـسـمـ عـلـيـهـ. يـعـنـيـ مـسـلـاـ اـنـ اـقـولـ وـالـلـهـ مـاـ اـنـ جـايـ الـمـسـجـدـ بـكـرـةـ. مـثـلـاـ اـدـاـ الـقـسـمـ الـوـاـوـ الـمـقـسـمـ بـهـ آـآـ اوـ آـآـ

الـقـسـمـ اللـهـ الـمـقـسـمـ عـلـيـهـ الـلـيـ هـوـ اـنـ مـشـ جـايـ الـمـسـجـدـ بـكـرـةـ -

00:21:00

ولكن لما الجملة تتغير لغويًا وهم يقولوا لن نؤثرك على ما جاءنا من البيانات الذي فطرنا. انا مش جاي مسجد بكرة والله دي عندنا في علم اللغة العربية بتقول هذا فيه دليل على تأكيد النفي. يعني هو مش بيقول له انا - 00:21:20

عارف زي ايه؟ زي في سورة النساء كده ربنا سبحانه وتعالى يقول فلا وربك لا يؤمنون. هنا النفي جاء قبل القسم. ده بيقول لك دلالة على تأكيد النفي. وربنا اعاد النفي مرة ثانية بعد القسم عشان تأكيد ايضا على النفي. نفي الایمان طالما انت مش عايز شريعة - 00:21:40

زي ما ربنا سبحانه وتعالى بيذكر. فهنا نفس الكلام لما السحرة يبيجوا يقولوا الكلام ده. قالوا لن نؤثرك على ما جاءنا من البيانات الذي فطرنا بيقى اذا هو من البداية مش مهزوز. الجملة دي تتقول لك هو ما كانش مهزوز وهو بيختار. ما كانش عنده تردد كده ولا كده - 00:22:00

ما كانش ما فيش التردد اصلا. ده هو لما قدم الشيء المقسم عليه على القسم ده بيقول لك هذا فيه دليل على تأكيد الشيء المنفي أكثر من التأكيد على القسم نفسه. سبحان الله! قالوا لن نؤثرك على ما جاءنا من البيانات. والذي فطرنا - 00:22:20

دا على قول بعض اهل التفسير اللي قاله الواو هنا واو القسم. القول الثالث اي لن نؤثرك على ما جاءنا من البيانات والذي فطرنا لن نخترق ابدا على الله. اذا قلنا ان الواو دي مش منقسم. بيقى عمرنا في حياتنا ما نقدم شيء على الله. ده اللي هم بيقولوه - 00:22:40
يبيقى اذا اصبح الاختيار عليهم سهل جدا. ليه؟ لما كانت القلوب دي موصولة بالله سبحانه وتعالى. بيقى الصورة الثانية من القلوب الموصولة بالله وجود الاختيارات. وده اللي النبي صلى الله عليه وسلم ربى عليه الصحابة. ان قلبك دايما موصول بالله. عشان كده كان دايما قصاد اي اختبار - 00:23:00

ما فيش تردد. ما حدش من الصحابة كان بيتردد ابدا لانه تربى ان قلبه يبيقى موصول بالله سبحانه وتعالى. نضرب على ذلك مثال يذكر اهل التفسير ان في قول الله سبحانه ومن الناس من يشرى نفسه ببغاء مرضاه - 00:23:20
يبيقولوا هذه الآية نزلت في صهيب ابن سنان الرومي. صهيب ابن سنان الرومي اتأسر في بلاد الروم هو عربي اصلا. ولكن اخذوا جيش الروم وبعد كده بعلي العرب فسمي الرومي. جاء واحد اسير عبد ما عهوش فلوس ولا الكلام ده. بدأ بيع ويشتري يحرر نفسه بدأ يبيقى عنده - 00:23:40

اموال بقى ثروات بقى من رجال الاعمال في مكة. بقى من رجال الاعمال بعد ما كان عبد. بقى رجل اعمال كبير جدا عنده اموال وعنه ثروات وعنه شركات وعنه بيع وشراء راجل ما شاء الله مشهور في مكة. لما هاجر النبي صلى الله عليه وسلم المشركين بسرعة ضربوا عليه - 00:24:00

ده ما يطلع بالفلوس دي كلها. لحد ما هو استغل غفلة من غفلاتهم. وبدأ بسرعة يرجع يطلع وهرب بالفعل فحصلوه جابوه وقال لهم انا معي عشر اسهم في كنانتي. وانت تعلمون اني من ارمакم بالسهام. فوالله - 00:24:20
والله لن تخلصوا الي الا بعد ان اضع في صدر كل واحد منكم سهما. ثم بعد ذلك والله لاجادلنكم بالسيف حتى اقتلنكم او فقالوا يا صهيب جئتنا صلوفقا. انت جيت لنا عبد صلوق لا مال لك. صلوك اللي هو الفقير. ثم - 00:24:40

بعد ان جمعت هذه الاموال تتقول اذهب لمحمد والله لا تذهب بهذه الاموال. اذا انت الان بين خيارين يا صهيب. اما انك آآ تختار ربنا سبحانه وتعالى واما انك آآ تختار دنيتك وفلوسك ومالك وشغلك وسرورتك والكلام ده. قال اذا خذوا - 00:25:00

قال وذروني اذهب الى محمد. يا يا صهيب انت ما جبتش الفلوس دي في يومين ثلاثة. ولا جبتها في ضربة آآ حظ كده ده تعب ومجهود وعناء سنين. ولكن هو ده مسألة دايما القلب اللي موصول بالله. سهل عليه جدا انه يقول خلاص انا سبت لله - 00:25:20
سهلة عليه. مش ده اللي يرضي ربنا؟ ربنا سبحانه وتعالى يا جماعة اللي حصل لصهيب ما حدثنا به احد. يعني صهيب ما حدش عرف اصلا اللي حصل بيته وبين المشركين. ولكن امثال هذه النماذج حق على الله سبحانه وتعالى انه يظهرها ويوضحها بين الناس - 00:25:40

وكان اللي اظهر فعل صهيب هو الوحي. هو الله سبحانه وتعالى. اللي صهيب اختاره على ماله. ليه؟ لأن كان صهيب موصول بالله. آآ

الصهيبي لسة على مشارف المدينة لقى النبي صلى الله عليه وسلم وعمر الصحابة واقفين. والنبي صلى الله عليه وسلم -
00:26:00
يبيقول لصهيب ربح البيع يا ابا يحيى ربح البيع يا ابا يحيى. لقد انزل الله تبارك وتعالى فيك قوله ومن الناس
من يشري نفسه ابتغاء مرضات الله. لما خير بين المال وبين ربنا قال لأ هو ربنا رقم واحد في حياتي. طالب بين النموذج ده -

00:26:20

اللي قلبه موصول بالله وبين نموذج تاني. قلبه لم يوصل اصلا بالله سبحانه وتعالى او كان في فترة قلبه موصول وبعد كده ترك
وساب النتيجة مع القلب ده اللي هو ليست له اي صلة بالله سبحانه وتعالى انه دائما لما بيختار بين الله وبين غير الله بيختار -

00:26:40

ربنا سبحانه وتعالى والعياذ بالله ربنا يعافيني واياكم من هذا النموذج. قال الله سبحانه وتعالى واتل عليهم نبأ الذي اتیناه اياتنا
فانسلخ منها. اهل التفسير في المسألة دي لهم تلات اقوال. القول الاول ان ده امية ابن ابي الص -
00:27:00
الشاعر المعروف العربي المعروف. امية احد الناس اللي كانوا يبدورو على الحق. قبل النبي صلى الله عليه وسلم وكانت اشعاره كلها
لا تتكلم الا على توحيد الله سبحانه وتعالى فقط بس. حتى ان النبي صلى الله عليه وسلم كان يقول -
00:27:20
اسلم شعره وكفر قلبه. ده واحد اسلم بالشعر ولكن كفر بقلبه. آآ في صحيح مسلم من حديثه الشريف يقول كنت ذات يوم خلف النبي
صلى الله عليه وسلم رضييف النبي على حمار فقال لي هل معك من شعر امية بن ابي السلط شيئا؟ فقلت نعم -
00:27:40
يا رسول الله فقال انشدني. قال فانشدهم مائة بيت. انشدته مائة بيت من شعر امية ابن ابي السلط. والنبي يقول لي هيه قل كمان
كمان. قال فانشده مائة اخرى. فقال النبي فانشده ثلاثة بيت. النبي قعد يسمع تلتميذ بيت لامية ابن ابي السلط -
00:28:00
امية ابن ابي السلط ده اللي كان يعني نسوا تتطرق لما عرف من اخبار اليهود ان فينبي ميعث هذا زمانه امية بن ابي كان بيتطرق
كده اني اكون انا هذا النبي. لأن فعلا لم يكن احد يتكلم بالتوحيد. ولم يكن احد على دين ابراهيم الا افراد معدودين جدا -
00:28:20
زي ما كتنا بناخد في دروس السيرة. خمسة ستة بس اللي كانوا في هذا الزمان بيبحثوا عن الحق. منهم امية بن ابي السلط. سبحان
الله! فلما بعث رسول الله وجد امية ان انا خلاص كل حاجة راحت. فتحول شعر امية الى كفر بالله وكفر بالنبي صلى الله عليه وسلم.
بعد ما ربنا وضح -
00:28:40

الايات وضح له الدلائل كان بيدور على مكانة معينة. خلاص انت تختار ربنا ولا المكانة؟ لا لا لا المكانة. طب راحت المكانة مش عايز
ربنا وكفر بالله سبحانه وتعالى. القول الثاني من اقوال اهل التفسير في النموذج ده. اللي دائما لما بيختار بين الدين والدنيا هو بيختار
-
00:29:00

الدنيا ما بيختارش ربنا. لانه قلب ما اتربياش اصلا انه يكون موصول بالله سبحانه وتعالى. ان الاية دي نزلت في بلعام ابن باعوراء. احد
اكبر احباط اليهود في زمن موسى عليه الصلة والسلام. بنعام بن باعوراء كده هو نموذج للانسان الملتزم. الشاب الملتزم. آآ ولكن -
00:29:20

وفي مشكلة عنده في قلبه مشكلة. آآ التزم وبقى مسلم وبقى موحد مع موسى عليه الصلة والسلام. وبدأ يقرب جدا من موسى عليه
الصلة والسلام وتعلم علم التوراة وتعلم العلوم بتاعة الكتاب. قال الله واتلوا عليه النبأ الذي اتیناه اياتنا. اياتنا هنا علم التوراة -
00:29:40

وبعض اهل التفسير قال اتیناه اتاه الله اسمه الاعظم الذي اذا دعي به استجاب. ربنا ادي له الاسم الاعظم. وكانت النتيجة ان لما
موسى عليه الصلة والسلام ارسله آآ الى ملك الجبارين علشان يدعوه الى الاسلام. هنا دائما المرحلة اللي احنا كل يوم في حياتنا
بنمر بها -
00:30:00

مرحلة الاختيار هتختار ربنا ولا هتختار غير ربنا. القلب اللي اتربي انه يكون دائما موصول بالله. القلب ده ما شاء الله لا قوة
الله ما شاء الله لا قوة الا بالله. اول ما بيختار هو ربنا وبس. انتهت. ما فيش فيها الكلام تاني. بدون تردد بدون خلاص انتهت -

00:30:20

لما ارسله موسى عليه الصلاة والسلام الى ملك الجبارين قال له آآ بص هذه اموال ودي كنوز كلها لك. ولكن على ان تكون معي خليك معنی. كانت النتیجة هنا انه اختار اختيار الكنوز. اختيار الاموال. ما اختيارش ربنا. لان ده - 00:30:40

القلب من البداية ما تعلمش ازاي يكون موصول بالله. قلبه عمره في حياته في جوف الليل. يا اخوانی يا اخوانی الانسان مننا اعزکم الله لو بطنه وجعته شویة ما بينامش الليل ويفضل طول الليل في الحمام. الانسان مننا لو جعان شویة ممکن يشيل اي نوم في حياته علشان يقوم يأكل او يشرب او الكلام ده - 00:31:00

الانسان مننا لو عطش بيسيب نومه علشان يقوم يشرب. القلب اللي موصول بالله هو صلته بالله سبحانه وتعالى اقوى من طعامه واقوى من شرابه ومن اي شيء في حياته. القلب الموصول بالله دايماً مربى نفسه ان كل يوم على الاقل انا قاعد مع ربنا. بس انا قاعد مع ربنا. يا رب حصل النهاردة كذا - 00:31:20

كذا وكذا. انا اخطأت في كذا فانا باعتذر انا باستغفر الان. وحصل كذا وانت اديتنی نعمة كذا فعشان كده انا باقول لك شكرنا يا رب لانك ايدتنی بهذه النعم. هو دايماً - 00:31:40

كده هو دايماً كده. في كتير من الاوقات انا بلف على الجامعات كلها هذه الفترة سبحان الله! يا جماعة بلاقي شكاوي كتير انا بحب جداً يعني كل مسلا كنت في هندسة في تجارة من قيمة كم يوم قبلها في هندسة قبلها في في في معهد السلاط او كلية السلام او اكاديمية السلام بتيجي لي دايماً - 00:31:50

شاب واقع في مشكلة وعايز يبعد عنها. كاتب لي كلام كتير جداً انا باقرأ الكلام. صدقوني والله العظيم اقسم بالله انا لو في ايديا انا ارحم الشاب ده هارحمه. انا لو في ايديا انفعه هانفعه. لان الحاجات اللي قالها دي ولكن هو جه بيشكوا لي وانا مش - 00:32:10 اي حاجة. فكنت دايماً بتبقى لي كلمة واحدة. صدقني والله اخي الحبيب انت لو جبت الورقة دي كلها اللي انت كتبتها دي بدموع قلبك دموع قلبك لو انت قعدت بينك وبين ربنا في جوف الليل ورفعت ايديك وقلت الكلام ده. والله العظيم ترحم. والله ترحم - 00:32:30

في العام ابن عراء خير الفلوس ولا الدين؟ لا الفلوس طبعاً. الفلوس طبعاً ما فيش فيها فصال ما فيش فيها كلام. وكانت انا ربنا سبحانه وتعالى يذم في القرآن اشد الذم. قال فمثله كمثل الكلب. ان تحمل عليه يلهث - 00:32:50

او تتركه يلهث. ده دايماً حال كل قلب لم يوصل ابداً بالله. عارفين ليه ربنا اختيار الكلب ليه ما اختيارش الحمار؟ ليه ما اختيارش التعلب؟ ليه ما اختيارش اي حيوان؟ ان كان حيوان قذر. اشمعنى الكلب؟ مشكلة الكلب في حاجتين - 00:33:10

الحاجة الاولانية ان اخبت نجاسة على وجه الارض نجاسة الكلب. تعرفوا نجاسة بتتفسل سبع مرات الا الكلب شوف الذم واصل لاي درجة. الامر الثاني ان الكلب والعياذ بالله آآ لو جبت له فرخة مشوية وجبت له فرخة ميتة عفنة نتنة يترك الطيب ولا يذهب الى الخبيث - 00:33:30

والمشكلة الثالثة ودي من اكبر مشكلات الكلب انه مهما اكل لا يشبع. هي دي دايماً مشكلات القلب اللي هو مش موصول بالله سبحانه وتعالى. اذا لم يوصل بالله سيطرت عليه الخبائث من كل مكان. تلاقي قلب عبد - 00:34:00

لشهوته. قلب عبد لبنت. قلب عبد الفلوس. قلب عبد لطعم جديد. كده. تحول هذا القلب اللي هو اشرف ما خلقه الله في الانسان الى اخبت شيء في الانسان. مش كده وبس. ولو خير بعد ذلك - 00:34:20

انه مش موصول بالله ولو خير بعد ذلك بينما يرضي الله وبينما يرضي الشيطان تلاقيه بسرعة بيقى عامل زبي اعدكم الله زي ما ربنا ذكر في الاية زي الكلب يطلق الطيب ولا يذهب الا للخبيث. ومهمَا اخذ من المعاصي والشهوات اللي هو عايزها. يعني دخل على فيلم واتنين وتلاتة - 00:34:40

تلاتة وعشرة ومية والفال يشبع ابداً. ولو كان القلب ده معلق بالفلوس مهمَا اديته ما يشبعش. مهمَا ما يشبعش. عشان كده تجد ربنا سبحانه وتعالى بيؤكد على هذا المعنى ان تحمل عليه يلهثها او لو اكلته بيلهث - 00:35:00

ولو ما اكتلوش برضو بيلهث. ده مسل لانسان قلبه مش موصول بالله. ودي اعظم شيء احنا محتاجينه الان يا جماعة ان قلوبنا تبقى موصولة بالله. اعظم داء يطرد نطرده من قلوبنا ونخرجه من قلوبنا شيل شيل يعني شيل المرض ده - 00:35:20

وخلی بالفعل العلاج الحقيقي لقلبك ان القلب ده يبقى موصول بربنا سبحانه وتعالى. في وقت كان ربنا دايما بيعلم الصحابة المعنى ده خليك مع ربنا. خليك مبسوط انت مش خدت بالأسباب خلاص علق قلبك بالله سبحانه وتعالى. علشان كده - 00:35:40

النبي صلی الله عليه وسلم لما وقع في الازمات المتواترة المتعاقبة يوم الهجرة كان لا يذكر الا بهذا النبي كان ليذكر آبا بكر الا بهذا الامر. ان الله معنا. ما ظنك باثنين الله ثالثهما - 00:36:05

علشان كده لما قال بالصديق رضي الله عنه اتوصل بالله وعرف يعني ايه يكون قلبي موصول الصحابة بيسأله ابو بكر رضي الله عنه بيكولوا له يعني احنا كلنا قلوبنا دخلتها وحشة وارتاجاف يوم النبي - 00:36:25

ويوم آآ حروب المرتدين كلنا مرعوبين الا انت. يعني تخيل عمر بيقول لابي بكر رضي الله عنه يا ابا بكر ادخل بيتك واغلق عليك باب ذلك واعبد ربك حتى يأتيك اليقين. احنا كده خلاص احنا ضعننا. ما هو صحيح المدينة هي الطريبيزة - 00:36:45

ايش المرتدين طالع من الجنوب فارس من الشرق آآ والروم من الشمال. خلاص ضاعت فيسألوه آآ انت ليه قلبك ما ما اخدتهوش وحشة او خوف او رعب بعد اللي انت عملته ده بعد اللي حصل ده. يعني يوم النبي اكتر الناس سبات كان مين؟ باتفاق الصديق - 00:37:05

هو اللي يثبت الناس وقال لهم لدرجة ان عمر بيقول والله ويكونا لم نسمع هذه الاية الى الان يوم المرتدين عمر يفضل يناكف في الصديق. ويقول ابن مسعود والله لقد انكرنا علينا كلنا في اول النهار. كلنا انكرنا - 00:37:35

خلاص احنا ضعننا خلاص انتهت. بعد الامور دي كلها بعد ما الامور هدأت واستقرت فيسألوه. بيكولوا له انت ليه قلبك ما اخدتهوش الوحشة اللي اخذت قلوبنا. فقال والله ما اخذتنى وحشة منذ ان كنت مع رسول الله صلی الله - 00:37:53

عليه وسلم في الغار فقال لي يا ابا بكر ما ظنك باثنين الله ثالثهما؟ هي دي هي دي الجزئية اللي لازم تحطها في قلبك على طول هي مهما كانت وحشة الدنيا حواليك القلب الموصول بالله. ودي تالت دي تالت مسألة. من فوائد القلب الموصول بالله - 00:38:13

ان مهما كان الاضطراب من حولك تلاقيه سابت. تلاقيه راجل ما بيتهزش ابدا. ابدا بحال من الاحوال القلب الموصول بالله في وقت الشدائيد تلاقيه مع ربنا. في وقت الاختيار موصول بالله وفي وقت الوحشة تلاقيه دايما موصول بالله. آآ احد - 00:38:33

قلنا اظن تعرفوه لما وقع البيت بتاعه على حماته وزوجته وابنه وزوجته كانت حامل يقول كل الناس حواليا في حالة زعر انا انا اقول الحمد لله الحمد لله الحمد لله بس في وقت الوحشة تلاقي قلبه عنده ثبات غير طبيعي. وقت - 00:38:53

الخوف والرعب وذهول الناس القلب الموصول بالله ثابت جدا. جدا. واقع في ازمة من الازمات. كل الناس اللي حواليه خلاص. هو مش ان شاء الله ثابت راجل. ثابت راجل. آآ وقعت في مصيبة الدنيا كلها تكالبت عليها في وقت الازمة ثابتة وكده ما شاء الله - 00:39:13

بميته راجل. ليه؟ اصل قلبي موصول بالله. قلبي موصول بالله. شف كده النهاردة خش عند اي بيت حصل فيه وفاة تقدر تميز ده قلب موصول بالله ده مش قلب موصول بالله. ساعة المصيبة تلاقي اللي بتتصوت اللي بتلطم اللي بتتشد في شعرها اللي عمالة تشق في جيوبها - 00:39:33

دي اللي عمرها ما كانت ابدا قلوب موصولة بالله. وفي نفس الوقت تلاقي في نفس البيت واحد لا يقول انا لله وانا اليه راجعون. بس ده اللي على لسانه. ودي فايدة من اعظم فوائد القلب الموصول بالله سبحانه وتعالى. ان في وقت الوحشة هو حس ان ربنا معه فهو ثابت ومتيقن - 00:39:53

ما فيش عنده اي مشكلة. زي كده الشاب اللي رباء الراهن ان ربنا قصة اصحاب الاخذود غلام اصحاب الاخذود. تخيل غلامه واحده الجنود وطالعين به الجبل علشان يرموه من على الجبل - 00:40:13

هو ما شاء الله قمة الثبات. ليه؟ اصل قلبي موصول بالله. يرفع ايديه اللهم اكفيهم بما شئت. تتحرك الصف ويقع الرجال يموتون

الجنود بيموتوا وهو يرجع تاني للملك. الله! طب اهرب انت لا لا مش ده القلب الموصول بالله. القلب الموصول بالله يا عم -

00:40:32

رسالة بيسمى اليها. يأمر فيؤخذ بي في وسط البحر. يتاخد في سفينة ومعه جنود. موتوه في وسط البحر وهو ما شاء الله ثابت. ثبات الجبال. اللهم اكفينهم بما شئت. ايه ده! ايه ده - 00:40:52

ايه ايه ده! هو ده قيمة القلب الموصول بالله. ثبات ثبات غير طبيعي. ويُخسر في وقت الوحشة. وبخاصة في وقت الشدائـد محن تلقيه ثابت راجل كده ما شاء الله. خلاص جاءت الريح قلبـت السفينة وهو عاد سالم غانـم بفضل الله. يروح للملك ويقول للملك -

00:41:12

انك لم تقتلـني. مش هـتقتلـني ابدا خلاص. آآ طب اعمل ايـه عـشـان اقتـلـك؟ قال اـشـيع النـاس فيـ صـعـيد وـاحـدـ كلـ الناسـ تـجـمعـ وـبـعـدـ ذـلـكـ

خـذـ اـنتـ اـنتـ مشـ حـدـ منـ جـنـوـدـ. سـهـمـ منـ كـنـانـتـكـ وـقـلـ بـسـ اللهـ ربـ الغـلامـ عـنـدـهـ - 00:41:32

قلـ ليـ ايـهـ الثـبـاتـ دـهـ؟ هوـ دـهـ القـلـبـ دـايـماـ لـيـ مـوـصـولـ بـالـلـهـ. زـيـ بـالـزـبـطـ عـبـدـالـلـهـ بـنـ حـذـافـهـ السـهـمـيـ. فيـ وقتـ الشـدـهـ هوـ ماـ فـيـشـ حاجـةـ

الـأـرـبـنـاـ بـسـ عـرـضـ عـلـيـهـ مـلـكـ الرـوـمـ آـآـ بـعـدـ اـمـاـ اـسـرـهـ عـبـدـالـلـهـ بـنـ حـذـافـهـ وـكـانـ صـحـابـيـاـ بـعـدـ ماـ اـتـأـسـرـ بـصـ آـآـ - 00:41:52

نـعـمـ فـيـهـ ايـهـ ؟ آـآـ هـادـيـكـ نـصـ مـلـكـيـ. بـسـ سـبـ دـيـنـكـ. وـالـلـهـ لـوـ اـتـيـتـنـيـ مـلـكـ وـعـشـرـ اـمـثـالـهـ مـعـكـ العـمـرـةـ تـبـدـيـنـ اـبـداـ. خـلاصـ اـرـمـوهـ فـيـ

الـسـجـنـ. سـبـ مـعـهـ خـمـرـةـ وـالـلـحـمـ خـنـزـيرـ سـيـبـوـهـ تـلـاتـ تـيـامـ حـتـىـ ضـعـفـ ضـعـفـ - 00:42:12

طبـ ماـ بـتـاـكـلـشـ لـيـهـ ؟ يـقـولـ اـمـاـ انـ الحاجـةـ قـدـ اـبـاحـتـ لـيـ انـ اـكـلـ مـنـ هـذـاـ الطـعـامـ وـاـشـرـبـ مـنـ هـذـاـ الشـرابـ. وـلـكـ كـرـهـتـ اـنـ يـشـمـتـ مـثـلـكـ

فيـ دـيـنـيـ طـبـ دـخـلـواـ عـلـيـهـ بـنـتـ اـجـمـلـ بـنـاتـ الرـوـمـ. وـهـوـ الـبـنـتـ تـخـرـجـ تـقـولـ اـنـاـ مشـ عـارـفـ اـدـخـلـتـمـوـنـيـ عـلـىـ حـجـرـ اـمـ عـلـىـ بـشـرـ؟ بـعـدـ كـدـهـ

خـلاصـ - 00:42:32

هـاتـواـ اـسـرـينـ مـنـ اـسـرـ الـمـسـلـمـينـ قـدـامـ عـيـنـيـهـ حـطـوـهـمـ فـيـ الـزـيـتـ وـهـوـ بـيـغـلـيـ عـشـانـ يـمـوتـ قـدـامـ عـيـنـيـهـ. لـعـلـهـ يـرـجـعـ. يـلـاـ خـشـ اـنـتـ بـقـىـ

عـشـانـ تـتـحـطـ فـيـ نـفـسـ الـزـيـتـ وـنـلـاقـيـ لـهـ نـفـاجـأـ نـفـاجـأـ اـنـ عـبـدـالـلـهـ بـنـ حـذـيفـهـ الثـانـيـ بـيـبـكـيـ بـتـبـكـيـ لـيـهـ؟ آـآـ يـعـنـيـ موـطـنـ زـيـ دـهـ يـعـنـيـ دـهـ

الـوـاحـدـ مـنـاـ لـوـ لـوـ اـتـجـرـحـ كـدـهـ جـرـحـ صـغـيرـ - 00:42:52

بيـفـضـلـ يـعـيـطـ اـرـبعـ تـيـامـ. دـهـ بـيـعـمـلـ عـلـيـهـ حـدـادـ. دـهـ دـاـخـلـ يـتـحـطـ فـيـ زـيـتـ هـيـهـلـكـ. هـيـمـوتـ. بـيـكـيـ بـتـبـكـيـ لـيـهـ قـالـ وـالـلـهـ اـبـكـيـ لـانـ لـيـ نـفـساـ

وـاحـدـهـ هـيـاـ تـخـرـجـ الـاـنـ وـكـمـ تـمـنـيـتـ اـنـ يـكـونـ لـيـ بـعـدـ شـعـرـ جـسـديـ اـنـفـسـ كـلـهـ تـخـرـجـ لـيـهـ - 00:43:12

فـيـ سـبـيلـ اللـهـ. فـيـ سـبـيلـ اللـهـ. هوـ دـهـ القـلـبـ دـايـماـ تـلـقـيـهـ ماـ شـاءـ اللـهـ رـاجـلـ جـداـ القـلـبـ المـوـصـولـ بـالـلـهـ

حتـىـ وـانـ كـانـ بـعـيدـ عنـ اللـهـ لـوـ وـصـلـ بـالـلـهـ وـلـوـ لـلـحـظـةـ بـيـتـغـيـرـ حـيـاتـهـ تـامـاـ. وـدـهـ دـايـماـ اللـيـ باـقـولـ لـكـمـ دـايـماـ - 00:43:32

يـبـدـعـنـيـ نـحـوـ الـأـمـلـ. اـنـ اـنـسـانـ سـيـءـ. اـنـ اـنـسـانـ اـسـوـاـ اـنـسـانـ عـلـىـ وـجـهـ الـأـرـضـ. مشـ تـواـضـعـ هـذـهـ حـقـيقـةـ. وـلـوـ عـلـمـتـ حـالـيـ وـالـلـهـ لـمـ جـلـسـتـ

لـيـ اـبـداـ وـلـكـنـ اللـيـ دـايـماـ بـيـدـفـعـ لـيـ الـأـمـلـ اـنـيـ اـقـولـ يـاـ رـبـ يـكـونـ قـلـبـيـ مـوـصـولـ بـكـ لـعـلـيـ اـتـغـيـرـ. صـدـقـونـيـ - 00:43:52

لـوـ وـصـلـ بـالـلـهـ وـلـوـ لـلـحـظـةـ تـغـيـرـ حـالـ صـاحـبـ هـذـاـ القـلـبـ رـأـسـاـ عـلـىـ عـقـبـ. اـبـوـ مـحـجـنـ الثـقـفـيـ هـذـاـ الرـجـلـ الـذـيـ كـانـ يـفـيـقـ منـ سـكـرـهـ. وـاحـدـ

لـيلـ نـهـارـ فـيـ شـرـبـ الـخـمـرـ. لـيلـ نـهـارـ فـيـ شـرـبـ الـخـمـرـ. وـلـكـنـ لـمـ تـيـجيـيـ وـمـضـةـ اـنـ القـلـبـ - 00:44:12

بـالـلـهـ كـلـ حـاجـةـ بـتـغـيـرـ. وـكـانـ كـثـيرـاـ مـاـ يـؤـتـىـ بـهـ لـعـمـرـ فـيـقـامـ عـلـيـهـ حـدـ شـرـبـ الـخـمـرـ. سـبـانـ اللـهـ! وـيـخـرـجـ بـعـدـ ذـلـكـ اـبـوـ مـحـجـنـ الـىـ مـعـرـكـةـ

الـقـادـسـيـةـ فـيـ جـيـشـ بـقـيـادـةـ سـعـدـ اـبـنـ اـبـيـ وـقـاصـ رـضـيـ اللـهـ عـنـهـ. وـآـآـ - 00:44:32

ابـوـ مـحـجـنـ لـمـ قـلـبـهـ وـهـوـ فـيـ السـجـنـ يـعـنـيـ شـرـبـ خـمـرـ بـرـضـوـ وـاتـسـجـنـ. وـالـنـاسـ عـمـالـةـ بـرـةـ بـتـتـقـتـلـ وـبـتـقـتـلـ فـيـ جـيـشـ فـارـسـ هـذـهـ المـعـرـكـةـ

الـلـيـ بـيـسـمـوـهـاـ هـيـ الـبـوـاـبـةـ الـتـيـ فـتـحـتـ بـلـادـ فـارـسـ لـلـمـسـلـمـينـ. مـعـرـكـةـ مـشـهـوـدـةـ مـعـرـفـةـ فـيـ التـارـيـخـ الـأـسـلـامـيـ. اـبـوـ مـحـجـنـ بـسـ بـيـصـ كـدـهـ -

00:44:52

مـنـ مـنـ شـبـاكـ الـحـبـسـ وـبـيـصـ عـلـىـ النـاسـ كـلـهـ قـلـوبـهـ مـوـصـولـةـ بـالـلـهـ وـاـنـاـ اللـيـ هـنـاـ دـلـوقـتـيـ قـاعـدـ كـدـهـ ضـابـعـ لـأـ ماـ كـانـشـ قـلـبـيـ

بـسـ مـوـصـولـ بـالـخـمـرـ وـبـسـ فـلـماـ وـقـفـ وـقـفـةـ وـاحـدـةـ وـصـلـ فـيـهـاـ قـلـبـهـ بـرـبـهـ تـغـيـرـ حـالـ اـبـوـ مـحـجـنـ. اـبـوـ مـحـجـنـ حـالـهـ فـيـ الـوـقـتـ دـهـ اـتـغـيـرـ

تـامـاـ - 00:45:12

لما قلبه اتوصل بالله كان كثيرا ما يؤتى به لعمر فيقيم عليه الحد. ومع ذلك لما القلب اتوصل لحظة للحظة واحدة بس كانت النتيجة ان تغير حال ابو محجن تماما. بعد ان كان رجلا عبدا للخمر تحول - 00:45:38

الحال ابو محجن اللي مقاتل في سبيل الله. وابو محجن من الناس اللي ربنا كان جعلهم فتح المسلمين في يوم القادسية. سعد ابن ابي وقاص وكان قد اصيب فرض في هذا الوقت فلم يستطع انه يقاتل فكان يشاهد المعركة من بعيد كقائد ميداني للمعركة. اول ما شاف واحد ملثم - 00:45:58

سدق لما ابو محجن خرج من السجن خد الفرس بتاع سعد ابن ابي وقاص. وبدأ يقاتل فكان سعد يقول الضرب ضرب ابي محجم والكرد الجري ده آآ ده كر الفرس بتاعي. وسبحان الله ابلى في - 00:46:18

هذا اليوم بلاء حسنا وكان من خيرة الناس يوم القادسية. بل كان سبب من اعظم الاسباب اللي كان بها فتح القادسية. ودي من فوائد القلب اللي بالله ان قلبك لو النهاردة قعدت قلت يا رب خلي لي قلب موصول بك صدقوني. والله مهمما كان الانسان سوءا فهو - 00:46:38

فيما بينه وبين ربها تبارك وتعالى بتغير له كل شيء. بيتغير من حاله بيتغير من وضعه ليه؟ لأن له قلب موصول بالله سبحانه وتعالى قلبك كده يعني خلي قلبك دايما كده خلي قلبك دايما موصول بالله سبحانه وتعالى. وصدقوني يا احبابي والله الامور بتتغير. الامور بتتغير - 00:46:58

الامر الخامس ان فتح الله سبحانه وتعالى للعبد لا يكون ابدا الا بقلب موصول به سبحانه وتعالى ممكنا الامور الحياتية اللي انت شايفها قدامك من المستحيل العسير ان ييجي فتح. ولكن القلب اللي دايما موصول بالله سبحانه وتعالى فتوح - 00:47:18
ربنا سبحانه وتعالى عليه لا تتوقف ابدا. اذكر صلاح الدين موقف كان بيذكره القاضي الفاضل اللي هو اقرب وزير من صلاح الدين. بيقول لما بيأسأله ما كان ابرز الاشياء اللي كانت موجودة عند صلاح الدين. ايه ابرز الحاجات اللي كانت موجودة عنده؟ قال لي الحنة - 00:47:38

دي صلة قلبه بربه. واحد قلبه موصول بالله بطريقة غير عادية. بطريقة غير عادية قلب قوس البلاك الفتوحات كلها تبدأ تتنزل عليك. وعلى التقىض القلب اللي هو مش موصول بالله موصول بالشيطان والعياذ بالله. تلاقي دايما سبحان الله كل - 00:47:58
في حاجة مفولة في وشك. هنذكر مثال هنا قلبي اللي موصول بالله اللي اترى على كده والقلب اللي ما لهوش اي صلة بالله. ما اترىاش اصلا ان يكون عنده صلة بينه وبين ربنا سبحانه وتعالى. موسى - 00:48:18

عليه الصلاة والسلام وهونبي من اعظم الانبياء من الخمسة اولي العزم من الرسل اولي العزم من الرسل اول ما يشوف نعمة من النعمان ربنا ادى له القوة شف - 00:48:33

الموصول به قال انا يا رب لما انزلت الي من خير فقير. ولكن قوم عدل انهم كانوا لهم قلوب اصلا موصولة بالله. اول ما ربنا سبحانه وتعالى ادى لهم - 00:48:43

ادى لهم سبحانه وتعالى طول حاجة هامت عظيمة جدا. اول حاجة قالوها. اول حاجة عملوها من اشد منا قوة عشان كده الخطاب كان معهم قوي جدا. اولم يروا ان الله الذي خلقهم هو اشد منهم قوة. وسبحان الله! لو جيت - 00:48:53
الي العقوبة اللي ربنا ضرب بها هؤلاء اصحاب القلوب التي لم تكون اصلا موصولة بالله تلاقي سبحان الله عقوبة من جنس ما قالوا. دايما الانسان متكبر كده حاطط مناخيره في السماء. حاطط مناخيره في السماء. خدت بالك؟ لو جيت بصيغت له العقوبة تلاقي ان العقوبة - 00:49:13

الله كانت على تقىض مصانع اللي حاطط مناخيره في السماء ده نحط له مناخيره في الارض. ربنا سبحانه وتعالى يقول سبحان وتعالى يقول سخرها عليهم سبع ليال وثمانية ايام حسوما. حسومة ده مش وصف لليايم، ده وصف - 00:49:33
انتبه من المعنى ده. ده وصف للريح مش وصف الایام. والحسوم من الجسم وهو القطع. الريح كانت قاطعة. فترى القوم فيها صرعى كانوا اعجاز نخل خاوية. يعني ايه اعجاز نخل خاوية؟ يعني ايه - 00:49:53

جزنا له خوية. اه يقولوا جزع النخل خاوية اذا كانت مقطوعة الرأس. او اذا نكس الرأس في الارض لما اجيب نخلة وانكسها في الارض كده اخلي الجزور بتاعتها فوق الارض الرأس بتاعتها تحت. هو ده النخل القوية. وده اللي حصل - 00:50:13

قال القرطبي رحمة الله ولقد تواترت الآثار ان هذه الريح اخذتهم فحملتهم فدكت رؤوسهم في الارض بيقول القرطبي ان الآثار تواترت عن آثار كثيرة جدا في هذه المسألة. ان الريح لما جاءت حملتهم فدكت رؤوسهم في الارض. ليه تدك - 00:50:33

اسهم في الارض حط من خيره في الطين بقى. مش هو ده الكبر بتاعك؟ اذا من اعظم الفوائد المتعلقة بالقلب الموصول بالله. رقم ستة ان العبد اذا اتاه الله نعمة وكان له قلب موصول لا تلاقيه بيذل لله سبحانه وتعالى اكتر. بيتواضع لله سبحانه وتعالى اكتر. اما -

00:50:53

وقلب مش موصول بالله سبحانه وتعالى. كل اما تروح له نعمة بيزاد لها والعياذ بالله كبر وغرور وتكبر على الناس. نرجع تاني الانموذج للقلب الموصول بالله اللي كل اما ربنا بيحدث له نعمة مش مش بيتواضع مع التواضع بيزاد شكر لله سبحانه وتعالى ونختتم بهذا - 00:51:13

مثال وان شاء الله يبقى الدرس الجاي ازاي انا اقدر اوصل قلبي لله سبحانه وتعالى؟ سيدنا سليمان عليه الصلاة والسلام لو جيت بصيغت لسليمان في قصته وفي سورة النمل عليه الصلاة والسلام هتجد ان فيه قسم مشترك في التلات مواطن. يعني هو مر على قرية النمل وادي موقف موقف تاني مع اه - 00:51:33

مع العلم اللي ربنا سبحانه وتعالى اتاوهله وده كان موقف. موقف تالت لما كان عايز يجيب عرش من قيس بين ايديه. لو جيت بصيغت على المواقف باختلافها هتلاقي ان فيها قاسم مشترك ان قلب سليمان كان موصول جدا بالله. كل ما ربنا يحدس له نعمة كان اول حاجة بيعملها يشكر الله سبحانه وتعالى عليها - 00:51:53

ولقد اتينا داود وسليمان علما. عش مع الموقف ده ان ربنا ادى لهم العلم الوحي الهدایة النبوة. ولقد اتينا داود وسليمان علما. اول حاجة وقال الحمد لله الذي فضلنا على كثير من عباده المؤمنين. فمع اول نعمة اللي هي نعمة هذه النعمة نعمة العلم والنبوة شكرولا الله عليها - 00:52:13

اتنين اه حتى اذا اتوا على وادي النمل قالت نملة يا ايها النمل ادخلوا مساكنكم لا يحطمنكم سليمان وجندوه وهم لا يشعرون هو سليمان حس آآ ان في نملة بتتكلم سمع هذا الكلام وقدر مش سامعه بس لو فهم كمان هذا الكلام - 00:52:33

جميل. استشعر ان دي نعمة ربنا سبحانه وتعالى اتها له. كانت النتيجة انه شكر. قال رب اوزعني ان اشك نعمتك. ولما قال ايكم بعرشها قبل ان يأتوني مسلمين. قال عفريت من الجن انا اتيك به قبل ان تقوم من مقامك واني عليه لقوى امين. قال الذي عنده علم -

00:52:53

من الكتاب انا اتيك به قبل ان يرتد اليك طرفك. قبل بس هي تغميضة عين قبل ما تقفل عينك وتفتحها هيكون العرش من ايديك. فلما رأه مستقرًا عنده اول كلمة قالها قال هذا من فضل ربى لبابلوني اشك ام اكفر. هو ده - 00:53:13
القوس الفاصل اللي بيفصل دايما بين انسان ربنا ادى له قلب موصول بالله وبين الانسان اللي عنده قلب لم يفكر اصلا في الله سبحانه قلب الوصول بالله كل ما تحدث له نعمة تلاقيها على طول بسرعة بيذل وبيشكر. زي سليمان. ولما ربنا يأكذ على معنى في القرآن حط تحته ميت الف خط - 00:53:33

لما تكون في صورة واحدة في اقل من صفحتين تلاقي المواطن دي كلها ورا بعضها ونفس رد الفعل من سليمان هو نفس رد الفعل بعد بعد سماع النمل شكر بعد رؤية العرش شكر. لا يبقى هنا هو ده المعنى اللي ربنا يريد ان يوصله لنا جميعا. اذا فرق كبير - 00:53:53
جدا بالانسان ربنا ادى له قلب وهو موصول به. بالله سبحانه وتعالى وبين قلب لا يفكر اصلا في الله. فرق كبير بين الاثنين دول نختتم بجزئية اخيرة ازاي انا فعلًا اخلي قلبي ده موصول بالله في جملة صغيرة وبسيطة جدا آآ على ما نتقابل ان شاء الله ازا - 00:54:13
الحقيقة الاسبوع القادم على قدر ذكرك لربك في شتى مواطن حياتك بيكون تعلق قلبك قلبك بالله سبحانه وتعالى. ثانى على قد ما انت بتكون ذاكر لله في كل موطن حياتك بيكون تعلق قلبك بالله سبحانه وتعالى. لأن كثرة الذكر بتوصل للقلب بالله

سبحانه وتعالى مباشرة - 00:54:33

علشان كده لو جيت بصيت في حياة النبي هتللاقيه قال لك عندي الاكل اذكر. بعد الاكل اذكر عند الشرب اذكر بعد الشرب اذكر. وانت خارج من بيتك اذكر وانت داخل بيتك اذكر. لما تيجي تنايم اذكر لما بتقوم من النوم اذكر. لما تيجي حتى تقرب من زوجتك اذكر. لما تخلص اذكر. لما اي - 00:54:53

اي شيء في حياتك داخل الخلاء اذكر خارج من الخلاء اذكر هتقوم اذكر هتقعد اذكر. ده هتركب العربية بتاعتك اذكر خلصت مشوارك اذكر. ليه؟ لأن كثرة الذكر توصل القلب لله سبحانه وتعالى وده المعنى اللي احنا هندور في فلك ان شاء الله الاسبوع القادم في درس الاربعاء. اسأل الله سبحانه وتعالى ان يجعلنا واياكم ممن يسمعون القول فيتبعون احسنها - 00:55:13

وصلى الله على نبينا محمد وعلى الله وصحبه وسلم - 00:55:33